

# ODRŽANA OBUKA I TRENING ZA UČESNIKE „ŽIVE“ LABORATORIJE PROJEKTA GRASPINNO

## u organizaciji Stručne službe za razvoj i međunarodne projekte ZDK



**GRASPINNO PROJEKT** (Transnacionalni model, strategije i rješenja podrške za inovativne klastere i poslovne mreže koje teže „zelenom“ razvoju, sa fokusom na „zelene“ e-nabavke u energijskoj efikasnosti i obnovljivim izvorima energije radi obnove javnih objekata) odobren je u okviru Prvog poziva za modularne projektne prijedloge INTERREG Mediteranskog programa 2014-2020 (MED), Prioritetna osa 1 - Promocija inovativnih kapaciteta Mediterana za razvoj pametnog i održivog rasta. Vodeći partner u ovom projektu je Univerzitet Patras iz Grčke. U projekt je uključeno ukupno 11 partnera sa područja Grčke, Italije, Španije, Francuske, Slovenije, Kipra i Bosne i Hercegovine. Jedan od partnera na implementaciji projekta je i **Stručna služba za razvoj i međunarodne projekte Zeničko-dobojskog kantona**. Projekt je započeo u novembru 2016. godine, a njegovo trajanje je 36 mjeseci.

Projektom se namjeravaju obezbijediti inovativna “zelena” rješenja za nabavke koje se odnose na uštedu energije i energijsku efikasnost prilikom renoviranja javnih objekata sa fokusom na “pametne” gradove i zajednice. Glavni cilj projekta je poboljšanje kapaciteta javne uprave u polju upravljanja energijskom efikasnošću javnih objekata, sa težnjom postizanja njihovog nultog energijskog nivoa, kao i pružanje podrške malim i srednjim preduzećima u izlasku na tržište “zelene” energije.

U sklopu realizacije dijela aktivnosti projekta, i to onih koje se odnose na uspostavu koncepta „živih“ laboratorija, dana 19.04.2018. godine u prostorijama Multimedijalnog centra Hotela Zenica, u organizaciji **Stručne službe za razvoj i međunarodne projekte ZDK**, održana je obuka i trening kurs za predstavnike malih i srednjih preduzeća iz oblasti građevinarstva i proizvodnje građevinskog materijala, kao i predstavnike javnih institucija sa područja Zeničko-dobojskog kantona, buduće učesnike u inovativnom konceptu „živih“ laboratorija. Cilj obuke i treninga je bio predstavljanje projekta kao i upoznavanje sa procesom javnih nabavki u BiH sa osvrtom na praksu EU i “zelene” kriterije u javnim nabavkama, rezultatima kojim teži projekt GRASPINNO te funkcijama i elektronskim uslugama internet platforme GRASPINNO. Učesnici su upoznati sa prednostima koje će se dobiti upotrebom novih alata prilikom pripreme javnih poziva, odnosno prilikom učešća u pozivima za javne nabavke koje se odnose na renoviranje javnih objekata.

Obuka i trening predstavljaju pripreme za implementaciju buduće „žive“ laboratorije na području Zeničko-dobojskog kantona, pri čemu će internet platforma GRASPINNO biti praktično iskorištena za objavu i učešće u pozivima za obnovu javnih objekata.



*The project is co-funded by the European Union, Instrument for Pre-Accession Assistance (IPA)  
Ovaj projekt sufinansira Evropska unija, Instrument za predpristupnu pomoć (IPA)*